

12
A B R A M

IN ÆGYPTO.


MELODRAMMA

ABBATIS POMPEII FIGARII

Musici animatum Modulis

A DOMINICO ZAZARA

SEMINARII ROMANI PHONASCO.



R O M Æ,

Ex Typographia Reu. Cam. Apostolica.

M. D C. X C II.

SVPERIORVM PERMISSV.

INTERLOCVTORES.

Abram.

Sarai.

Loth.

Pharao.

Aulicus.

Chorus.

Argomento della Prima Parte.

Regnando la Fame nelle parti, ove troua'vasi Abramo, si ritira egli in Egitto, dove temendo à se qualche male per la bellezza di Sarai sua Moglie, le impone il palesarsegli semplicemente Sorella. Rapita essa da Faraone, ubbidisce ad Abramo con non iscoprirsegli Moglie. Faraone ne aspira alle Nozze, & in di lei grazia promette molto bene ad Abramo, e compagni.

Della Seconda.

Preparando Faraone le sue Nozze con Sarai vien funestato da molte disgrazie; non sapendo la cagione, per cui Iddio lo flagelli. Sarai vedendo le disauventure del Rè, non sà più indursi à tacere con tanto di lui danno. Risolue con Abramo di palesare al Rè il suo stato Maritale; il che appena inteso da Faraone, la rimette in libertà, dolendosi con Abramo del suo silenzio.

PARS PRIMA.

Cho.

Abr.



Te procùl, ò timores
Reviviscit nostra (pts :
Fidæ gentes , gaudere .
Si sedibus paternis
Fame pulsæ fuistis ,

En fertilis Ægyptus hic æternis

Luxuriat aristis .

Tu Sarai, tu Loth , cursibus lætam

Nunc præfigite metam .

Benignus hic nobis arridet Deus .

Lot.

Tibi semper parebo :

Frater æquè tu es, ac Princeps meus :

Sar.

Abram , voluntas tua

Sarai voluntas est . Subditæ viris

Iurè vivunt uxores .

Vxor sum ego , meus vir tu es

Cho.

Ite procul &c.

Sar.

Ecce nobis Ægyptus fecunda

Hic arridet gratissima sedes .

Flavæ circum curvantur aristæ ,

Atque Nili dum murmurat unda ,

Siste , siste

Siste , clamat , viator , hic pedes :

Ecce &c.

Larga messè ubique prædives A

Ecce lætus exultat arator .

Terræ sinus frumento sunt pleni ;

Et Ægypti ditissimi cives ,

Veni , veni

Veni , clamant , à longe Viator :

Larga &c.

Lot.

At , ne tanta fortuna

Mens evadat superba

Forsàn latebit hic anguis in herba :

Sæpè navitas illudit
Maris placida maiestas.
Dormientibus ventis, & undis
Vix in altum carina vocatur:
Cum repente suscitatur
E' visceribus profundis
Horridissima tempestas.
Sæpè &c.

Sar. Ecquis in tanto gaudio nunc effudit
Voces adeò funestas?

Zot. Sæpè navitas illudit
Maris placida maiestas.
Naves allicit ore ridenti,
Pacem alit in sinu tranquillo:
Sed repente super illo
Si veloces spirant venti,
Undas suscitant infestas.
Sæpè &c.

Sar. Confide, Loth, confide.
Sortis rigor adversæ
Hic forsitan cessabit.

Abr. Nostræ genti dispersæ
Ægyptum dedit Deus. Ipse servabit.
Oh felix ille pes
Cui Deus ipse meta!
Illius sola spes
Elorebit semper læta!
Oh felix.

At quæ nova timoris
Me causa nunc affligit?
Ah! in vultum Vxoris
Nimis aulicus iste oculos figit.
Aul. Quid est hoc, quod videtis luces meæ?
Vultus, quem hic aspicio,
Non est vultus mulieris, sed Deæ.
In genis tam formosis
Pulcherrimus est flos:
Tâm lucidæ pupillæ

Sunt

Sunt placida favilla ,
Quæ citò perdent nos .
In genis .

Abr. Me miserum ! iam cor sibi funestum
Nunc prædicat eventum .

Anl. Ecquid lentus hic moror ?
Tam formosæ mulieris adventum
Regi significabo . Tanta forma
Rege tantum est digna .

Abr. Infelix ! quid audiui ? Eritne mihi
Sors hic forsàn maligna ?

Lot. Quid , ò Frater , suspiras ?

Sar. Sponse , pectoris tui
Quò fugit nunc invicta fortitudo ?

Abr. Intrepidus iam fui ,
Sed nunc timidum facit .
Nimia tui vultus pulchritudo .

Sar. Mca te firmet fides .

Abr. Ah ! Sarai , te non vides .

Pharaonis iam cerno Ministros
In te manum armare rapacem .
Et per casus tam mihi sinistros
Dabo cordi quietem , & pacem ?
Si vicinam iam cerno procellam ,
Si ventorum iam tonant furores ,
Vndè mentis tumultus expellam ?
Quis in corde sedabit timores ?

Lot. Abram , sic tuæ mentis evanescit
Vigor ille sublimis ?

Abr. Sarai est pulchra nimis .
Ah , sarai , ne , quæso ,
Nunc te dicas uxorem ;
Sed , ut securus vivam ,
Fratrem me voca , voca te sororem ;

Sar. Fratris quidem est nomen suave
Nobis verò non utile nomen .
Parebo . sed cave
Ne forma sororis

Dilectum uxoris
Nunc auferat omen ,
Fratriſ &c.

Abr. Hoc eſt tibi dicendum ,
Vt malum nimis grave
Vel eludam , vel domem .

Sar. Fratriſ quidem eſt nomen ſuave
Nobis vero non utile nomen .
Parebo ſed cave
Ne

Abr. Quid tamen aſpicio ? Quanta turba
Huc e teſto regali nunc accurrit ?
Heu ! quis mihi ſuccurrit ?
Vxor dilecta citò

Sar. Lot. Abr. Ad benè te gerendum linguam para.
Eſt miſeris fortuna ubique amara.

Lot. Oh verè nimis duras
Conditiones mortalium !
Ab uno hoſte declinare curas .
Et incurris in alium .

Fortunam tam gravem
Nunc iurè dolebo
Diſperſam ſi navem
In portu videbo .

Vbique ſæcunda
Eſt vita dolore
Sunt ſirtes ſub unda ,
Sunt angues ſub flore .

Aul. Siſte pedem , formoſa . Tuz ſortis
Velox arripe crinem . Te requirit
Nunc Ægypti Monarca .

Sar. Me Ægypti Monarca !
Ad quid ?

Aul. Iam tui vultus
Eſt accenſus à fama

Sar. Rege dignus non eſt vultus incultus ,

Aul. Vt benè tibi ſit , amantem ama ,
Sar. Sed de Abram germano ,

Sed

Sed de Loth consanguineo ?
Sed de tot, quos hic vides,
Meæ sortis consortibus quid erit ?
Aul. Mea te firmet fides.
Ipsi quoque fruuntur
Tua sorte felici .
Erunt in gratiam tui Regis amici .

Nostri nunc Domina
Tu Regis es .
Absterge fletus ,
Et pelle metus
Es tuæ gentis tu sola spes :
Nostri &c.

Sar. Hoc tantum supplex rogo , ut hic securæ
Et Fratris sint , & amicorum res .

Aul. Nostri nunc Domina
Tu Regis es
Hic vives læta ,
Si tu es meta
Quo Pharaonis nunc tendit pes .
Nostri &c.

Sar. Abrám , quid erit mihi ?
Non me Sponsam dicendo ,
Pharaonis accendo .
Magis flammam lascivam .

Abr. Sile , si vis ut vivam

Sar. Ad planctus iam me præparo
Iam nova fugit quies
Iam labris hæret vox .
A te me ipsam separo ,
Et , quæ surgebat, dies
Erit infausta nox.

Ad planctus &c.

Phar. Mulier suspirata nondum venis ?
Pulchritudinis tuæ
Iam accensus à fama
Te præcordijs expecto amore plenis.
Mulier suspirata nondum venis ?

Per te totus iam succendor ;
Chare splendor ,
Et inflammor sola spe.
Si consumor , dum te spero ,
Qualis ero
Chare vultus coram te ?

Per te &c.

Sed vicinam iam video .
Proh stupor ! in hoc vultu
Pulchritudinis eminet fastigium !
Quis genis color ? quis oculis decor ?
Est amoris prodigium

Aul. Si hunc solem aspiciens non obæcor .
Rex , ante pedes tuos
Ecce sistitur præda .

Pbar. Si in vultu tam digno
Iam cordis mei servitutem lego ,
Ipse prædatrix est , præda sum ego .

Sar. Invißtissime Rex , vilis ancillæ ,
Ne obsequium despicias ;
Sed me , sed Fratrem meum hac in aula
Nunc benignè reficias .

Pbar. Hoc supplex rogo Mulier peregrina .
Surge : tu nunc Ægypti eris Regina .

Tanti vultus à splendore
Præ amore cor liquefcit .
Hæ pupillæ
Sunt favillæ
Vndè flamma citò crescit .

Ab hac luce , qua succendor ,
Quantus splendor hic resultat !

Me affligit ,

Me transfigit

Et in pœnis cor exultat :

Gaude , Mulier formosa . Tibi , & tuis
Est Ægyptus amica .

Erit nunc tuus Frater Frater meus !

Abr. Adsit , ô Rex , tibi benignus Deus .

Sar.

- Sar.* Nos benignitas tua,
O Rex, tibi devincit
(Abram, ut tibi obediam, ita loquor.)
- Phar.* Sed pulchritudo tua Regem vincit.
- Abr.* Loth, quid tibi videtur?
- Lotb.* Te propitius nunc Deus comitetur.
- Phar.* Nunc cordis amantis
Solamen tu es.
- Sar.* Tu pœnis in tantis
Levamen, & spes.
- Sar.* } d 2. Hoc mihi ^{cordis} tui præbent ^{favores}
Phar. } ^{vultus} fulgores
- d 2. Pœnæ dulces ut sint, chari dolores.
- Phar.* Eia gentes gaudete. Meæ Sponsæ
Aula iam plaudat tota.
Mea nunc metam tetigere vota.
Plaudat Nilus, & iucundas
Circa ripas tollat undas.
Nunc arridet læta fors.
Si tot votis iam petita
Mea datur mihi vita,
Fuge procul, fuge mors.
Plaudat &c.
- Ant.* Pallidus ergo dolor
Sit undique proscriptus.
- Chorus.* Tota cum Rege suo gaudet Ægyptus.

Finis primæ Partis.

PARS

PARS SECVNDA

Phar.

ME miserum ! quid video ?
Quem nunc peccando irritavi Deum ?
Tot ne undique malis tam repente
Et me , & Regnum meum
Laceratum deploro ,
Dum in te , pulchra sarai , quam adoro ,
Bona cuncta possideo ?
Me miserum ! quid video ?

Fortunæ dum eripiem

Tenere putamus ,

Tunc gaudio spectamus

Inlittere finem .

Spes illicò ruit .

Sub Sole quidquid est , ut vnda , fluit .

Aul.

Procul , ò Rex , procul ab ore tuo

Omnem pelle querelam .

Sarai in vultu suo .

Ægritudinis tuæ gerit medelam .

In corde regali

Æterna sit pax .

Iusta sunt iubila ,

Si pellit nubila

Tam pulchra fax .

In &c.

Phar.

Sed inter populorum

Tot effusa suspiria

Hic me semper amorum

Enervabunt deliria ?

Aul.

Non subditorum infimi dolores

Sublimem tangant Regem .

Phar.

Super ægrotum gregem

Ipsi quoque ægri sunt boni Pastores

Aul.

At sarai formosa huc appropinquat .

Ad illius aspectum

Omnis dolor , ò Rex , te derelinquat .

Sar.

Sar. Dirī Dæmonum furores
Quid pugnatis contra me ?
In me curas , & dolores
Dum crudeles excitatis,
Nil turbatis meum cor .
Mihi Deus dum assistit,
Cor resistit,
Et armatur firma spe .
Diri &c.

Phar. Ah dum Saraim aspicio ,
Vehementius uror .

Phar. Aul. In pulchro vultu pulcher est & furor .

Sar. Sarai nimis infelix !
Quoquò pedes tu feras , inimicus
Semper sequitur te Rex impudicus .

Phar. Sarai ?

Sar. Pharaο hic est . Fugam arripio

Phar. Ah Sarai ! tu fugis ?
Hanc amoris mercedem nunc recipio ?

Sar. Rex , me oculis tuis iurè nego .
Omnis erumnæ tuæ causa sum ego .

Aul. Præ vocibus tam mestis
Spiritus in me languent semivivi :

Phar. Proh dolor ! quid audiui ?

Quæ dolorum tam repente
Vasta moles gravat me ?

Mille poenis iam circumdor ?

Sed tu , Sarai , ubi es

Mei cordis sola spes ?

Si tu fugis , iam confundor .

Sed luminibus serenis ;

Si tu venis ,

Me in poenis tam amaris

Consolaris

Destitutum omni spe !

Quæ dolorum &c.

Aul. Quis ridenti fortunæ fidem dabit ,
Si quasi tactum improviso fulmine

Pha-

- Pharaonem præcipitem videmus
A deliciarum culmine ?
- Chorus* Hæc est rerum natura.
Præterit huius mundi omnis figura :
- Lot.* Abram , quousquè tandem .
Taciturnum te geres ?
Ergo dedecus tuum mutus feres ?
Surgat à somno vili
In te sopita mens ;
Iurè superba Nili
Ne te deludat gens .
Surgat &c.
- Abr.* Ah ! Loth , huc quidè̃m vivò
Dilectissimus Regi .
Mille me cingunt oves ,
Mille sub iugis meis mugiunt boves .
Dum verò Saraim alienam cerno ,
Divitiarum genus omne sperno .
- Lot.* Nec est remedij spes ?
- Abr.* Si tantùm loquor iam remedium spero .
- Lot.* Et adhuc mutus es ?
- Abr.* Mutus semper non ero
Fræna miseri timoris
Amor auferet à me ,
Præ angustijs doloris :
Seu peremptum me tu flebis,
Seu videbis
Lætum , Sarai , cum te .
Fræna &c.
- Lot.* Huc Sarai appropinquat oportuna .
- Abr.* Mihi attridet fortuna .
- Sar.* Abram , adhuc silebo ?
Vxoris ergo nomen
Semper tenens ignotum ,
Et nos , & Pharaonis Regnum totùm
Semper agi in deterius videbo ?
Abram , adhuc silebo ?
- Abr.* Heu ! lingua respondebo nimis tristi ,
Sarai,

Sarai, desiste iam : sat filuisti :
 Dum felicem iam te speras ;
 Quando lætum te tenebis
a 2. Si tu miser semel æras ,
 Quoquò is , ubique flebis .
 Sarai Sed poenis finem dabo
 A silentio desistens ,
 Quod tu , contux dilecte , præcepisti :
 Abr. Sarai, desiste iam . sat filuisti .
 Sar. Si post nubila , & horrores
 Mihi Cælum ridet mite ;
 Ite procùl , ò dolores ,
 Et vos iubila , venite .
 Abr. In poenis tam amaris
 Sarai , tu semivivum consolaris .
 Sar. Sed Regem adeamus
 Abr. Te fidus sequor
 Lot. Eamus
a 3. Eamus .
 Anl. Heu ! quam Regis misereor !
 Mille patitur manes , & per aulam
 Fræneticus vagatur .
 Ah ! ni Fatum mutatur ,
 Mala iam vidi , sed peiora vereor :
 Heu ! quam Regis misereor !
 Oh Rex infelix !
 Inter amores
 Expertus est dolores :
 Exultabat nuper fælix ,
 Sed à Cælo dum vexatur ;
 Lachrimatur
 Inter mille nunc angores :
 Oh Rex &c.
 Sed stipatus à turba huc appropinquat ;
 Phar. Abram , quidnam est hoc , quod tu fecisti ?
 Cur non tuam uxorem .
 Saraim mihi dixisti ?
 En tuus me nunc flagellavit Deus ;

Et,

- Et , mecum simulando , tu es reus .
Abr. Si timidum condemnas
 Timoris vim non scis.
 Doloris arget pœna ;
 Sed metus inter fræna
 Non est loquendi vis .
 Si timidum .
- Phar.* Erroris tamen tui
 Amarum mea gens fructum collegit ,
Lot. Ad silendum , ô Rex , timor coegit .
 Heu quot miseros silere
 Sæpè durus cogit pavor !
 Hic linguam cohibet ,
 Hic questus prohibet ,
 Et nos Regum æquè ferè
 Furor opprimit , & favor .
 Heu &c.
- Phar.* Tua tecum sit uxor .
 Regi quoquè iudecorum
 Est alienum violare thorum .
 Mihi quidè in genis formosis
 Amoris illuxit
 Lætissima fax .
 Sed nunc spinæ nascuntur e rosis
 Iam risus effluxit
 Et fugit iam pax .
 Sed quanta pro me mala
 Tulit populus meus !
- Sar.* Lætare , Phatao ; tibi parceret Deus .
 Menti si redit lux ,
 Surgat in corde spes .
 Fælix iam Regni Dux :
 Iam Deo charus es .
- Phar.* Abram , invitus ego in te peccavi .
 Tu te ipsum accusa .
Abr. Timorem meum tu , ô Rex , excusa ,
 Sæpè turres expugnas honoris
 O timoris durissima vis !

Et in viris à spe destitutis
Acerba virtutis
Tyranna tu sis .
Sæpè &c.

Phar. Oh funestum timorem ;
Qui tantum mihi peperit dolorem !
Lot. Vt prima Ægypto facies eniteat ,
Erroris te pœniteat .

In labris exultet
Lætissima vox ;
A luce doloris
Purgatur erroris
Nigerrima nox .

Aul. Proh ! quot vidi portenta ?
Vera ne sunt ? an me deludunt somnia ?

Sar. Somniator non es : vera sunt omnia .
Post mille pœnas
Tu me serenas
O Cæli Rex .
Quando Pastoris tu geris vicem ,
Tunc se fœlicem
Agnoscit grex .
Post &c.

Aul. Sit pœnis meta
Si nobis læta
Arridet fors .
Ad vos dum redit spes iam dispersa ;
In vitam versa
Est ipsa mors .
Sit pœnis &c.

Phar. Ite nunc vos quò melius vocat Fatum ;
Et à me quisque discat
Alienum ne thorum concupiscat .
Chorus. Quisque discat
Alienum ne thorum concupiscat .

F I N I S .

